

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na 34. sjednici Predstavničkog doma, održanoj 3. septembra 2008. godine, i na 22. sjednici Doma naroda, održanoj 27. oktobra 2008. godine, usvojila je

ZAKON

O IZMJENAMA I DOPUNI ZAKONA O CARINSKOJ POLITICI BOSNE I HERCEGOVINE

Član 1.

U Zakonu o carinskoj politici Bosne i Hercegovine ("Službeni glasnik BiH", br. 57/04 i 51/06), u članu 176. iza stava 4. dodaje se novi stav 5, koji glasi:

"5. Oprema koja se stavlja u slobodan promet za organe civilne zaštite i vatrogastva namijenjena zaštiti i spašavanju civilnog stanovništva, a koju finansiraju donatori, kao i oprema za organe civilne zaštite i vatrogastva potrebna za zaštitu i spašavanje civilnog stanovništva koju odredi Ministarstvo finansija i trezora Bosne i Hercegovine u saradnji sa Ministarstvom bezbjednosti Bosne i Hercegovine, oslobađa se plaćanja uvozne dažbine."

Dosadašnji st. 5. i 6. postaju st. 6. i 7.

U dosadašnjem stavu 6., broj "5" zamjenjuje se brojem "6".

Član 2.

Ovaj Zakon stupa na snagu osmog dana od dana objavljivanja u "Službenom glasniku BiH".

PSBiH broj 259/08
27. oktobra 2008. godine
Sarajevo

Predsjedavajući
Predstavničkog doma
Parlamentarne skupštine BiH
Niko Lozančić, s. r.

Predsjedavajući
Doma naroda
Parlamentarne skupštine BiH
dr **Mladen Ivanić**, s. r.
